



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 14. Multos ita cæcos esse, vt etiam temeraria iudicia iacent; quibus tamen tandem suus error quandoq[ue] ostenditur à diuina bonitate.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

ta leucarum spatio distantem abierunt, ab Ierosolymis, ut discipulos eius coram accusarent, dicentes: *Quare discipuli tui transgrediuntur traditiones seniorum?* Quale non scelus arbitremur? Quale autem? *Non lanuant manus, cum panem manducant.* Hemicelus! Et tamen ad has ineptias accusandas, Pharisei, viri Ecclesiastici, religiosi, primates populi, aliorum duces, tam longum iter suscipiunt, & coram tanto iudice caussam levissimam agunt; & quidem contra Apostolos, in quibus spiritus paupertatem, continentiam, modestiam, honestatem, zelum animarum, diuini nominis atque honoris propagationem, & mille virtutes admirari potuissent. Sic & Phariseorum imitatores, quotidie iam in hoc, iam in illo aliquid reperiunt, quod censeant, & damnent; omissis omnibus laude dignis eorum virtutibus: cum tamen ipsi, si nullo alio vi-
tio laborarent, solis his iudicijs mille gehennas mereantur.

§. XIV.

*Multos ita cacos esse, ut etiam temeraria iudicia
iactent; quibus tamen tandem suis error quantu-
m ostenditur à divina bonitate.*

*Et quod omnium deterrium est, nihil
quam*

vmquam cogitant se delinquere, & fortasse
etiam sibi plaudunt, quasi de iudicij acu-
mine ac subtilitate, & velut de iustitia, quasi
obsequium Deo præstent; sicut Comes ille
Rhenanus; qui toto anno numquam agno-
vit, se iniustum iudicem, malum zelotypū
& homicidam esse; sed potius, vt se iusti-
tia, & castitatis amantem esse gloriaretur,
vxorem cum catena, & occisi capite pallen-
tem, inter canes, produci iussit, vt aduenis
& hospitibus iustitiam suam ostentaret, quæ
reuera summa iniquitas fuit. Sed magna
pars hominum damnabitur, quod rerum
spiritualium imperitia, & proprio amore
excæcata *malum bonum, & bonum malum*, Isa. 5, 20
iudicet. Quamquam tanta est Numinis bo-
nitas, vt sicut, ob hospitalitatem, qua Co-
mes S. Vdalricum tamquam seruum Dei su-
sccepit, eidem oculos, per D. Vdalricum ape-
ruit; ita & multis, ob paruum opus bo-
num, lucem immittat, qua videant, se in
tot falsis iudicijs ignoranter hæsisse, & bene
retractent, quod male iudicauerunt. Quod
vtinam etiam contingat illis, qui hanc hi-
storiam non solum animi, verum etiam ani-
mæ causâ legent: utinam illis contingat, vt
mille iudicia temeraria, quibus fortasse,

cùm

cum proximum damnare voluerunt, se
ipsos perditum iuere, tandem aliquando
omnia, apud Confessarium retractent, &
expungant; discantque non se, nec sua ia-
ctare, quae forte reprehensione digna sunt,
ut planè digna fuit illa iniusta Comitis in-
vxorem innocentem saevitia, quam hospiti
Vdalrico voluit, tamquam iustitiae exem-
plum, ostentare. Quod si verò etiam lau-
de dignum est factum aliquod, tamen dig-
na non est eius iactatio.

*Plin. lib.
1. epist. 8.*

*Meminimus, ac
Plinius, quanto maiore animo honestatis fructus
in conscientia, quam infama reponatur. Sequi
enim gloria, non appeti debet. Nec si casualique
non sequatur, idcirco, quod gloriam non retulit,
minus pulchrum est. Ii verò, qui beneficia sua
verbis adornant, non ideo prædicare, quia fece-
rint, sed ut prædicarent, fecisse creduntur. Sic
quod magnificum referente alio fuisset, ipso qui
gesserat recensente, vanescit. Homines enim,
cum rem destruere non possunt, iactationem eiu-
incessunt. Ita si silenda feceris, factum
ipsum: si laudanda, quod non sileas,
ipse culparis.*



CAPVT